



王叔和脉經

九之十

特別
64
498
8



門 498
8

經卷之九

平娠娠分別男女將產諸證第一

凡十一條

松井家藏

脈平而虛者乳子法也經云陰搏陽別謂之有子此是血氣和調陽施於陰化也診其手陰脈動甚者娠子也少陰心脈也心主血脈又腎名胞門子戶尺中腎脈也尺中之脈按之不絕法娠也左右三部脈沉浮正等按之無絕者娠娠也娠娠初時寸微小呼吸五至三月而尺數也脈滑疾重以手按之散者胎已三月也脈重

手按之不散。但疾不滑者。五月也。

婦人妊娠四月。欲知男女法。左疾為男。右疾為女。俱疾為生二子。

又法。得太陰脉為男。得太陽脉為女。太陰脉沉。太陽脉浮。

又法。左手沉實為男。右手浮大為女。左右手俱沉實。猥生二男。左右手俱浮大。猥生二女。

又法。尺脉左偏大為男。右偏大為女。左右俱大。產一子。大者如實狀。

又法。左右尺俱浮為產二男。不爾則女作男生。左右尺俱沉為產二女。不爾則男作女生也。

又法。遣妊娠人面南行。還復呼之。左迴首者是男。右迴首者是女也。

又法。看上圖時。夫從後呼之。左回首是男。右回首是女也。

又法。婦人妊娠。其夫左乳房有核是男。右乳房有核是女也。

婦人懷妊離經。其脉浮。設腹痛引腰脊為今欲

生也。但離經者不病也。

又法婦人欲生其脉離經。半夜覺日中則生也。

平姪娠胎動血分水分吐下腹痛證第二

凡三十
七條

婦人懷胎一月之時足厥陰脉養二月足少陽脉養三月手心主脉養四月手少陽脉養五月足太陰脉養六月足陽明脉養七月手太陰脉養八月手陽明脉養九月足少陰脉養十月足太陽脉養諸陰陽各養三十日活兒手太陽少

陰少陰字疑不養者下主月水上有乳汁活兒養每

懷娠者不可灸刺其經必墮胎。

婦人懷娠三月而渴其脉反遲者欲為水分復腹痛者必墮胎。

脉浮汗出者必閉其脉數者必發癰膿五月六月脉數者必向壞脉緊者必胞漏脉遲者必腹滿而喘浮者必水壞為腫。

問曰有一婦人年二十許其脉浮數發熱嘔欬時下利不欲食脉復浮經水絕何也師曰法當

有娠。何以故此虛家法當微弱而反浮數此為戴陽。陰陽和合法當有娠。到立秋熱當自去。何以知然數則為熱熱者是火。火是木之子。死于未。未為六月。位土主。火休廢陰氣生。秋節氣至。火氣當罷。熱自除去。其病即愈。

師曰。乳後三月有所見後三月來脉無所見。此便是軀有兒者護之。恐病利也。何以故。懷身陽氣內養。乳中虛冷。故令兒利。

婦人懷娠六月七月。脉弦發熱。其胎踰腹。腹痛。

惡寒寒著。小腹如扇之狀。所以然者。子藏開故也。當以附子湯溫其藏。

婦人妊娠七月。脉實大牢強者生。沉細者死。

婦人妊娠八月。脉實大牢強弦緊者生。沉細者死。

婦人懷軀六月七月。暴下斗餘水。其胎必倚而墮。此非時孤漿預下故也。

師曰。寸口脉洪而濇。洪則為氣。濇則為血。氣動丹田。其形即濇。濇在于下。胎冷若冰。陽氣胎活。

陰氣必終欲別陰陽其下必殭假令陽終畜然若杯

問曰婦人妊娠病師脈之何以知此婦人雙胎其一獨死其一獨生而為下其死者其病即愈然後竟免軀其脈何類何以別之師曰寸口脈衛氣平調榮氣緩舒陽施陰化精盛有餘陰陽俱盛故知雙軀今少陰微緊血即濁凝經養不周胎則偏夭小腹冷滿膝臏疼痛腰重起難此為血痺若不早去害母失胎

師曰婦人有胎腹痛其人不安若胎痛下之欲知生死令人摸之如覆杯者則男如肘頭參差起者女也冷在何面冷者為死溫者為生

師曰婦人有漏下者有半生後因續下血都不絕者有妊娠下血者假令人娠腹中痛為胞漏

一作膠艾主之

婦人妊娠經斷三月而得漏下下血四十日不止胎欲動在于臍下此為妊娠六月動者前三月經水利時胎也下血者後斷三月血也所以

胎動不安

下血不止者其瘕不去故也。當下其瘕宜桂枝茯苓丸。

問曰婦人病經水斷一二月而反經來今脉反微澁何也。師曰此前月中若當下利故令妨經利止月經當自下此非軀也。

婦人經自斷而有軀其脉反弦恐其後必大下不成軀也。

婦人懷軀七月而不可知時時衄血而轉筋者此為軀也。衄時噫而動者非軀也。

脉來近去遠故曰反以為有軀而反斷此為有陽無陰故也。

婦人經月下但為微少師脉之反言有軀其後審然其脉何類何以別之。師曰寸口脉陰陽俱平榮衛調和按之滑浮之則輕陽明少陰各如經法身反洒淅不欲食飲頭痛心亂嘔噦欲吐呼則微數吸則不驚陽多氣溢陰滑氣盛滑則多實六經養成所以月見陰見陽精汁凝胞散散者損墮設復陽盛雙胎二胎今陽不足故令

激經也。

婦人妊娠。小便難。飲如故。當歸貝母苦參丸主之。

婦人妊娠有水氣。身重。小便不利。洒洒惡寒。起即頭眩。葵子茯苓湯主之。

婦人妊娠。宜服當歸散。即易產無疾苦。

師曰。有一婦人來診。脈一作自道經斷不來。師言一月為血。二月為血。三月為居經。是定作軀也。或為血積。譬如雞乳子。熱者為祿。寒者多濁。且

當須後月復來。經當入月幾日。假令以七日所來。因言且須後月十日。所來相問。設其主復來者。因脈之。脈反沈而滑。曰。問曾經半生。若漏下亡血者。定為有軀。其人言實。有是宜當護之。今經微弱。恐復不安。設言當奈何。當為合藥治之。師曰。有一婦人來診。自道經斷。脈之。師曰。一月血為閉。二月若有若無。三月為血積。譬如雞伏子。中寒即濁。其熱即祿。欲令胎壽。當治其母。挾寒懷子。命不壽也。譬如雞伏子。試取雞一毛。拔

去覆子。不遍中寒者濁。今夫人有軀小腹寒。手掌反逆。奈何得有軀。婦人因言當奈何。師曰。當與溫經湯。設與夫家俱來者。有軀與父母家俱來者。當言寒多。久不作軀。疑有脫誤師曰。有二婦人來診。因言陰陽俱和。調陽氣長。陰氣短。俱出不入。去近來遠。故曰反。以為有軀。偏反血斷。斷來幾日。假令審實者。因言急當治。恐經復下。設令宮中人。若寡婦無夫。曾夜夢寐交通邪氣。或懷作久癥瘕。急當治下。服一湯。設

復不愈。因言髮湯當中下胎。而反不下。此何等意邪。可使且將視赤身。一作赤馬師曰。若宮里張氏不差。復來相問。

林億曰。詳此文。理脫誤。不屬無。本可校以示闕疑。餘皆倣此。

師曰。脉婦人得平脉。陰脉小弱。其人渴。不能食。無寒熱。名為軀。桂枝主之。法六十日。當有娠。設有醫治逆者。却一月。加吐下者。則絕之。方在傷寒中。婦人脉平而虛者。乳子法也。平而微者。實奄續法也。而反微瀆。其人不亡血。下利而反甚。

甚脉虚但坐乳太兒及乳小兒自此其常不能令甚虚竭病與亡血虚等必眩冒而短氣也。

師曰有一婦人好裝衣來診而得脉瀉因問曾乳于下利乃當得此脉耳曾半生漏下者可設不者能二月六月設乳于漏下可為奄續斷小

兒勿乳須利止復來相問脉之以上俱有脫誤

師曰寸口脉微遲尺微于寸寸遲為寒在上臍但當吐耳今尺反虛復為強下之如此發背滿而痛者必吐血小腹腰痛脊痛者必下血

師曰寸口脉微而弱氣血俱虚若下血嘔吐汗出者可不可者跌陽脉微而弱春以胃氣為本吐利者可不者此為水氣其腹必滿小便則難婦人常嘔吐而胃反若常喘一作多唾其經又斷設來者必少

師曰有一婦人年六十許經水常自下設久得病利小腹堅滿者為難治

師曰有一婦人來診言經水少不如前者何也師曰曾更下利若汗出小便利者可何以故師

日云其津液故令經水少設經下反多于前者
賞所苦困當言恐大便難身無復汗也

師曰寸口脉沉而遲沉則為水遲則為寒寒水
相搏跌陽脉伏水穀不化脾胃氣衰則驚漉胃氣
衰則身體腫少陽脉革少陰脉細男子則小便
不利婦人則經水不通經為血血不利則為水

名曰血分一作水分

師曰寸口脉沉而數數則為出沉則為入出則
為陽實入則為陰結跌陽脉微而弦微則無胃

氣弦則不得息少陰脉沉而滑沉則為在裏滑
則為實沉滑相搏血結胞門其藏不瀉經絡不
通名曰血分

問曰病有血分何謂也師曰經水前斷後病水
名曰血分此病為難治

問曰病有水分何謂也師曰先病水後經水斷
名曰水分此病易治何以故去水其經自當下
脉濡而弱弱反在關濡反在顛遲在上緊在下
遲則為寒名曰渾陽濁則濕名曰霧緊則陰氣

慄脉反濡弱。濡則中濕。弱則中寒。寒濕相搏。名曰痺。腰脊骨節苦煩。肌為不仁。此當為痺。而反懷軀遲歸。經體重以下。脚為肘重。按之沒指。腰冷不仁。此為水懷。喘則倚息。小便不通。緊脉為嘔。血氣無餘。此為水分。榮衛乖亡。此為非軀。

平產後諸病鬱胃中風發熱煩嘔下利證

第三 凡六條

問曰。新產婦人有三病。一者病瘕。亦作二。二者病鬱胃。三者大便難。何謂也。師曰。新產亡血虛多。

汗出喜中風。故令病瘕。何故鬱胃。師曰。亡血復汗。寒多。故令鬱胃。何故大便難。師曰。亡津液。胃燥。故大便難。產婦鬱胃。其脉微弱。嘔不能食。大便反堅。但頭汗出。所以然者。血虛而厥。厥而必胃。胃家欲解。必大汗出。以血虛下厥。孤陽上出。故但頭汗出。所以生婦喜汗出者。亡陰血虛。陽氣獨盛。故當汗出。陰陽乃復。所以便堅者。嘔不能食也。小柴胡湯主之。病解能食。七八日而更發熱者。此為胃熱氣實。承氣湯主之。方在傷寒。

中。

婦人產得風續之數十日不解頭微痛惡寒時時有熱心下堅乾嘔汗出雖久陽明證續在可與陽明方在傷寒中桂枝是也。

婦人產後中風發熱面正赤喘而頭痛竹葉湯主之。

婦人產後腹中疝痛可與當歸羊肉湯。

師曰產婦腹痛煩滿不得卧法當枳實芍藥湯主之。假令不愈者此為腹中有乾血著臍下與

下瘀血湯

婦人產後七八日無太陽症小腹堅痛此惡露不盡不大便四五日跌陽脉微實再倍其人發熱日晡所煩躁者不能食譫語利之則愈宜承氣湯以熱在裏結在膀胱也方在傷寒中。

婦人產中虛煩亂嘔逆安中益氣竹皮大丸主

乏千金方加阿膠

水經

平帶下絕產無子亡血居經證第四十一條

師曰婦人帶下六極之病脉浮則為腸鳴腹滿緊則為腹中痛數則為陰中癢洪則生瘡弦則陰疼掣痛

師曰帶下有三門一門胞門二門龍門三門玉門已產屬胞門未產屬龍門未嫁女屬玉門問曰未出門女有三病何謂也師曰一病者經水初下陰中熱或有當風或有扇者二病者或

有以寒水洗之。三病者或見丹下驚怖得病屬帶下。

師曰婦人帶下九實中事假令得鼠乳之病劇易當劇有期當庚辛為期餘皆倣此疑有脫誤

問曰有一婦人年五十許病但苦背痛時時腹中痛少食多厭喜腹脹其脉陽微關尺小緊形脉不相應願知所說師曰當問病者飲食何如假冷病者言我不欲飲食聞穀氣臭者病為在上應假冷病者言食少多為欲食不食亦可病

為在中。臆。假令病者言。我自飲食如故。病在下。臆為病。屬帶下。治之。

婦人帶下。經水不利。腹滿痛。經一月再見。王瓜根散主之。

婦人帶下。脉浮。惡寒。漏下者。不治。

師曰。有一婦人。將一女子。年十五。許來診。言女

子年十四時。經水自下。令經反斷。其母言。恐怖

師曰。言此女為是夫人親女。非耶。若親女者。當

相為說之。婦人因答言。自是女爾。師曰。所以問

者無他。夫人年四十時。亦以經水下。所以斷。此

為避年。勿恠。後當自下。疑有脫誤

婦人小腹冷。惡寒久。年少者得之。此為無子。年

大者得之。絕產。

師曰。脉微弱而澁。年少得此。為無子。中年得此

為絕產。

師曰。少陰脉浮。而緊。則疝瘕。腹中痛。半產。而

墮傷。浮則亡血。絕產。惡寒。

師曰。肥人脉細。胞有寒。故令少子。其色黃者。腎

上有寒。

婦人小腹硯音哀磊轉痛而復自解發作無常經反斷膀胱中結堅急痛下引陰中氣衝者久必兩脇拘急。

問曰婦人年五十許病下利數十日不止暮則發熱小腹裏急痛腹滿手掌熱唇口乾燥何也師曰此病屬帶下何以故曾經半產瘀血在小腹中不去何以知之其症唇口乾燥故知之當與溫經湯。

問曰婦人病下利而經水反斷者何也師曰但當止利經自當下勿枉所以利不正而經斷者但下利亡津液故經斷利止津液復經自當下婦人血下咽乾而不渴其經必斷此榮不足本自有微寒故不引飲渴而引飲者津液得通榮衛自和其經必復下。

師曰寸口脉微而瀋微則衛氣不足瀋則血氣無餘衛不足其息短其形燥血不足其形逆榮衛俱虛言語謬誤跌陽脉微而瀋微則胃氣虛。

虛則短氣咽燥而口苦胃熱瀆則失液少陰脈微而遲微則無精遲則陰中寒瀆則血不來此為居經三月一來

師曰脈微血氣俱虛年少者下血也乳子下利為可不者此為居經三月一來

問曰婦人妊娠三月師脈乏言此婦人非軀今月經當下其脈何類何以別之師曰寸口脈衛浮而大榮反而弱浮而大榮反而弱則少血孤陽獨呼陰不能吸二氣不停衛降榮竭陰為積

寒陽為聚熱陽盛不潤經絡不足陰虛陽往

實故令少血時發洒淅咽燥汗出或溲稠數多

唾涎沫此令重虛津液漏泄故知非軀畜煩滿

血月稟一經三月一來陰盛則名曰居經

問曰婦人年五十許一朝而清血二三日不止何以治之師曰此婦人前絕生經水不下今反清血此為居經不須治當自止經水下常五日止者五日愈

婦人月經一月再來者經來其脈欲自如常而

反微不利不汗出者其經二月必來。疑有脫誤

平鬱胃五崩漏下經閉不利腹中諸病證

第五 凡十條

問曰婦人病經水適下而發其汗則鬱胃不知
大何也師曰經水下故為裏虛而發其汗為表
復虛此為表裏俱虛故令鬱胃也

問曰婦人病如癰疾鬱胃一日二十餘發師脉
之反言帶下皆如師言其脉何類何以別之師
曰寸口脉濡而緊濡則陽氣微緊則榮中寒陽

微衛氣虛血竭凝寒陰陽不和邪氣舍于營衛
疾起少年時經水來以合房室移時過度精感
命門開經下血虛百脉皆張中極感陽動微風
激成寒因虛舍榮衛冷積于丹田發動上衝奔
在胃膈津液掩口入涎唾涌溢出眩冒如狀厥
氣衝脾裏熱粗醫名為癰灸之因大劇

問曰婦人病苦氣上衝胸眩冒吐涎沫胃裏氣
衝熱師脉之不名帶下其脉何類何以別之師
曰寸口脉沉而微沉則衛氣伏微則榮氣絕陽

伏則為疹。陰絕則下血。病當小便不利。津液閉塞。今反小便通。微汗出。沉變為寒。欬逆嘔沫。其肺成痿。津液竭少。亡血損經絡。因寒為血厥。手足苦痺。氣從丹田起。上至胃脘。沉寒怫鬱于上。胃中室塞。氣歷陽部。面翕如醉。形體似肥。此乃浮虛。醫反下之。長針復重。虛榮衛久發。眩冒。故知為血厥也。

問曰。五崩何等類。師曰。白崩者。形如涕。赤崩者。形如絳。津黃崩者。形如爛瓜。青崩者。形如醬色。

懷妊ノコト

黑崩者。形如衄血也。

師曰。有一婦人來。脉反得微瀼。法當吐。若下利。而言不因。言夫人年幾何。夫人年七七四十九。經水當斷。反至今不止。以故致此虛也。

寸口脉弦而大。弦則為減。大則為芤。減則為寒。芤則為虛。寒虛相搏。脉則為革。婦人則半產漏下。旋覆花湯主之。

婦人陷經。漏下黑不解。膠薑湯主之。

婦人經水不利。抵當湯主。方在傷寒中。

婦人經水閉不利藏堅僻不止中有乾血下白物礬石丸主之。

婦人腹中諸疾痛當歸芍藥散主之。一云治懷妊腹中痛

婦人腹中痛小建中湯主之方在傷寒中。一云腹中痛

痛小便利理中湯主之。

平咽中如有炙腐喜悲熱入血室腹滿證

第六凡七條

婦人咽中如有炙腐狀半夏厚朴湯主之。

婦人藏燥喜悲傷欲哭象如神靈所作數欠甘

草小麥湯主之。

婦人中風發熱惡寒經水適來得之七八日熱

除脉遲身凉胃膈下滿如結胃狀其人譫語此

為熱入血室當灸期門隨其虛實而取之。

婦人中風七八日續有寒熱發作有時經水適

斷者此為入熱血室其血必結故使如瘖狀發

作有時小柴胡湯主之方在傷寒中。

婦人傷寒發熱經水適來晝日了了暮則譫語

如見鬼狀此為熱入血室無犯胃氣若上二焦

必當自愈。二膳字疑

陽明病下血而譫語。此為熱入血室。但頭汗出者。當刺期門。隨其實而瀉之。漑然汗出者。則愈。婦人小腹滿如敦敦狀。要畧云小便微難而不渴。生後字疑者。此為水與血并結在血室。大黃甘遂湯主之。

平陰中寒轉胞陰陰生瘡脫下吹證第七
凡十四條

婦人陰寒温中坐藥。蛇床子散主之。

婦人著坐藥。強下其經。目眦為痛。足跟難踐。地心中狀如懸。

問曰。有一婦人病。飲食如故。煩熱不得卧。而反倚息者。何也。師曰。得病轉胞。不得溺也。何以故。

師曰。此人故肌盛。頭舉身滿。今反羸瘦。頭舉中空。一作感一胞系了。疾故治此病。但利小便則愈。宜服腎氣丸。以中有茯苓故也。方在虛勞中。

師曰。脉得浮緊。法當身軀疼痛。設不痛者。當射云。何因。當射言。若腸中痛。腹中鳴。欬者。因失便。

水經

卷八

二

婦人得此脉者法當陰吹。

師曰。寸口脉浮而弱。浮則為虛。弱則為血。浮則短氣弱。則有熱。而自汗出。

跌陽脉浮而漇。浮則氣滿。漇則有寒。喜噫吞酸。其氣熱下。小腹則寒。

少陰脉弱而微。微則少。血弱則生風。微弱相搏。陰中惡寒。胃氣下泄。吹而正噎。

師曰。胃氣下泄。吹而正噎。此穀氣之實也。膏髮導之。

少陰脉滑而數者。陰中則生瘡。

少陰脉數則氣淋。陰中生瘡。

婦人陰中蝕瘡爛。狼牙湯洗之。

婦人藏腫如瓜。陰中疼。引腰痛者。杏仁湯主之。

少陰脉弦者。白腸必挺核。

少陰脉浮而動。浮則為虛。動則為痛。婦人則脫下。

平婦人病生死證第八 凡八條

診婦人漏血下赤白。日下血數升。脉急疾者死。

遲者生

診婦人漏下赤白不正。脉小虛滑者生。大緊實數者死。

診婦人新生乳子。脉沉小滑者生。實大堅弦急者死。

診婦人疝瘕積聚。脉弦急者生。虛弱小者死。

診婦人新生乳子。因得熱病。其脉弦小。四肢溫者。生寒清者死。

診婦生產因中風傷寒。熱喘鳴而肩息。脉實大

浮緩者生。小急者死。

診婦人生產之後。寸口脉疾不調者死。沉微

附骨不絕者生。

金瘡在陰處。出血不絕。陰脉不能至。陽者死。接陽而復出者生。

平小兒雜病證第九 凡七條

小兒脉呼吸入至者平。九至者傷。十至者困。診

小兒脉多雀鬪。要以三部脉為主。若緊為風癩。

沉者乳不消。弦急者客忤氣。

小兒是其日數應變蒸之時身熱脈亂汗不出不欲食食輒吐嘔者脈亂無苦也

小兒脈沉而數者骨間有熱欲以腹按冷清也

小兒太便出青瓣殮洩脈小手足寒難已脈小

手足温易也

小兒病因汗出如珠着身不流者死

小兒病其頭毛皆上逆者必死耳間青脈起者

瘕痛

小兒病而胃脘入其口唇乾目皮反口中出氣

冷足與頭相抵卧不舉身手足四肢垂其卧正直如得縛其掌中冷皆死至十日不可復治之


脈經卷第九

脉經卷之十

手檢圖二十一部

凡五十六條首言十二
 經脉次言奇經八脉次
 言三部二十四種脉未見所謂手檢圖
 二十一部者豈經原有圖今不傳耶而
 宋林億劑中云世之傳授不其別有
 三有以隋巢元方時行病源為第十卷
 者有以第五卷分上下卷而撮諸篇之
 文別增篇目者今則除去重復補其脫
 漏其篇第亦頗改易仍舊為十一卷則
 知此卷經文傳疑已久億雖補正其脫
 漏而所謂手檢圖二十一部
 云者直據舊目無從深考耳

經言肺者人之五藏華蓋也。上以應天。解理萬
 物。主行精氣。法五行四時。知五味。寸口之中。陰



陽交會。中有五部。前後左右各有所主。上下中央。分爲九道。浮沉結散。知邪所在。其道奈何。岐伯曰。脈大而弱者。氣實血虛也。脈大而長者。病在下。候浮直上下交通者。陽脈也。堅在腎。急在肝。實在肺。前如外者。足太陽也。中央如外者。足陽明也。後如外者。足少陽也。中央直前者。手少陰也。中央直中者。手心主也。中央直後者。手大陰也。前如內者。足厥陰也。中央如內者。足太陰也。後如內者。足少陰也。前部左右彈者。陽痿也。後部左右彈者。陰痿也。中部左右彈者。帶脈也。後部左右彈者。陰躄也。從少陽之厥陰者。陰維也。從少陰之太陽者。陽維也。來大時小者。陰絡也。來小時大者。陽絡也。前如外者。足太陽也。動苦頭項腰痛。浮爲風。濇爲寒。熱緊爲宿食。

前如外者。足太陽也。動苦目眩。頭頸項腰背強痛也。男子陰下濕。女子月水下利。少腹痛引命門。陰中痛。子藏閉。浮爲風。濇爲寒。血滑爲勞熱。緊爲宿食。針入九分。却至六分。

中央如外者足陽明也。動苦頭痛。面赤微滑。苦大便不利。腸鳴不能食。足脛腫。

中央如外者足陽明也。動苦頭痛。面赤熱浮。微滑。苦大便不利。喜氣滿滑者為飲。澹為嗜卧。腸鳴不能食。足脛痺。針入九分。却至六分。

後如外者足少陽也。動苦腰背脘苦。肢節痛。

後如外者足少陽也。浮為氣澹。澹為風。血急為

轉筋。筋為勞。針入九分。却至六分。以上足三陽脈六條

前如內者足厥陰中。動苦少腹痛。月經不利。子

藏閉

前如內者足厥陰也。動苦少腹痛。與腰相連。大

便不利。小便難。莖中痛。女子月水下利。陰中寒

子戶雍絕。內少腹急。男子疝氣。兩丸上入淋也。

針入六分。却至三分。

中央如內者足太陰也。動苦胃中痛。食不下。欬

唾有血。足脛寒。少氣。身重。從腰上狀如居水中。

中央如內者足太陰也。動苦腹滿。上腕有寒。食

不下。病以飲食得之。沉瀆者苦身重。四肢不動。

食不化煩滿不能卧足脛痛苦寒時欬血泄利黃針入六分却至三分

後如內者足少陰也動苦少腹痛與心相引背痛淋從高墮下傷于內小便血

後如內者足少陰也動苦少腹痛與心相引背痛淋從高墮下傷于尻內便血裏急月水來上

搶心胸脇滿拘急股裏急也針入六分却至三分也

以上足三陰脉三條

前部左右彈者陽蹻也動苦腰背痛微瀉為風

癰取陽蹻

前部左右彈者陽蹻也動苦腰痛癰癩風惡偏

枯僵仆羊鳴癢痺皮膚身體強一作痺直取陽

蹻在外踝上三寸直絕骨是

中部左右彈者帶脉也動苦少腹痛引命門女

子月水不來絕繼復下止陰辟寒令人無子男

子苦少腹拘急或失精也

後部左右彈者陰蹻也動苦癩痛寒熱皮膚強

一作淫痺

後部左右彈者陰蹻也動苦少腹痛裏急腰及
腕節下相連陰中痛男子陰疝女子漏下不止
以上陰蹻陽蹻帶脈五條

中央直前者手少陰也動苦心痛微堅腹脇急
實堅者為感忤純虛者為下利腸鳴滑者為有
娠女子陰中癢痛出玉門上一分前

中央直中者手心主也動苦心痛面赤食苦咽
多喜怒微浮者苦悲傷恍惚不樂也瀼為心下
寒沉為恐怖如人捕之狀也時寒熱有血氣

中央直後者手太陰也動苦欬逆氣不得息浮
為內風緊瀼者胸中有積熱時欬血也有沉熱

以上手三陰脈三條

從少陰斜至太陽是陽維也動苦肌肉痺癢

從少陰斜至太陽是陽維也動苦癩僵仆羊鳴

手足相引甚者失音不能言癩疾直取客主人

兩陽維脈在外踝絕骨下二寸

從少陽斜至厥陰是陰維也動苦癩癩僵仆羊

鳴

從少陽斜至厥陰。是陰維也。動苦僵仆失音。肌肉溼癢痺。汗出惡風。

脈來暫大暫小。是陰絡也。一作結動苦肉痺。應時

自發身洗洗也。

脈來暫小暫大者。是陽絡也。一作結動苦皮膚痛

下部不仁。汗出而寒也。以上陽維陰維陽絡陰維絡脈六條

肺脈之來也。如循榆葉曰平。如風吹毛曰病。狀

如連珠者死。期丙丁日。禺中日中。

心脈之來也。如反筭莞大曰平。如連珠曰病。前

曲後居如帶鉤者死。期壬癸日。人定夜半。

肝脈之來也。搏而若曰平。如張新弓。弦曰病。如

雞伏地者死。期庚辛日。晡時日入。

脾脈之來也。阿阿如緩曰平。來如雞舉足曰病。

如鳥之啄。如冰之漏者死。期甲乙日。平旦日出。

腎脈之來也。微細以長曰平。來如彈石曰病。去

如解索者死。期戊己日。食時日。昡黃昏雞鳴。以上

平五藏脈五條

寸口。中脈躁竟尺關中無脈。應陽于陰也。動苦

腰背腹痛陰中若傷足寒刺足太陽少陰直絕

骨入九分灸太陰五壯

尺中脈堅實竟尺寸口無脈應陰于陽也動苦

兩脛腰重少腹痛癩疾刺足太陰踝上三寸針

入五分又灸太陽陽蹻在足外踝上三寸直絕

骨是也

寸口脈緊直至魚際下小按之如持維干一作雞毛

狀其病腸鳴足痺痛酸腹滿不能食得之寒溫

際

寸口脈沉著骨反仰其手乃得之此腎脈也動

苦少腹痛腰體酸癩疾刺腎餘入七分又刺陰

維入五分

初持寸口中脈如細堅狀久按之大而深動苦

心下有寒胸脇苦痛陰中痛不欲近丈夫也此

陰逆刺期門入六分又刺腎俞入五分可灸胃

管七壯

初持寸口中脈如躁狀洪大久按之細而堅牢

動苦腰腹相引痛以下至足筋重也不能食刺
腎俞入四分至五分亦可灸胃管七壯

尺寸俱沉但有關上脉苦寒心下痛

尺寸俱沉關上無有者苦心下喘

尺寸俱數有熱俱遲有寒

尺寸俱微厥血氣不足其人少氣

尺寸俱濡弱發熱惡寒出汗一云內溫熱手足逆汗出

寸口沉胸中痛引背一云短氣關上沉心痛上吞酸

尺中沉引背痛

寸口伏胸中有逆氣關上伏有水氣泄瀉尺中
伏水穀不消

寸口弦胃中拘急一作心下幅幅關上弦胃中有寒心

下拘急尺中弦少腹臍下拘急

寸口緊頭痛逆氣關上緊心下痛尺中緊臍下

少腹痛

寸口濇無陽少氣關上濇無血厥冷尺中濇無

陰厥冷

寸口微無陽外寒關上微中實一作胃虛能實故裏

急一作無胃氣尺中微無陰厥冷腹中拘急

寸口滑胸滿逆關上滑中實逆尺中滑下利少氣

寸口數即吐關上數胃中有熱尺中數惡寒小便赤黃

寸口實即生熱虛即生寒關上實即痛虛即脹滿尺中實即小便難少腹牢痛虛即閉澀

寸口芤吐血微芤衄血關上芤胃中虛尺中芤下血微芤小便血

寸口浮其人中風發熱頭痛關上浮腹痛心下滿尺中浮小便難

寸口遲上膻有寒關上遲胃有寒尺中遲下膻有寒背痛

寸口濡陽弱自汗出關上濡下重尺中濡少血發熱惡寒

寸弱陽氣少關弱無胃氣尺弱少血以上雜言三部二十

脈經卷之十終

慶安三庚寅稔重陽吉且

二條通玉屋町村上平寺岡板

[Faint bleed-through text from the reverse side of the page, including characters like '山' and '中']

